

Fastnacht 1932 Comité-Schnitzelbank

D'Eglisee- Kaße!

Melodie: Ei du scheene Schnitzelbank!

Als Spitaldiräggtter — ohni Gfasel —
Kunnt eine ane — nit vo Basel! —
Fir dert z'lande — jo, do wett-y
Bruchsch e guete «Vetter-Getti»!
Bisch Militär, denn goht's vyl ringer —
De schrybsch nach Bärn, an unsere Minger —
Kandidate het's uff alli Fäll
Bess'ri gha gwiss fir die Stell!

Dä Dirigänt do — das isch wichtig —
Isch im komponiere tichtig! —
Die 5. Frau het är — wie gseit —
So ebbis isch e Sälteheit! —
Will mäüge — mer sages ungeniert —
Mit einer Frau, kuum fertig wird, —
Drum Felix loos — du guete Ma —
Fang doch, diräckt e Harem a!

2 Bürger und 2 Komunische
Suffe zäme sich e Kische —
Die 4 Grossreet — s'isch zuem lache —
Dien bigott no schmollis mache! —
Doch d'Partei git däne Siffel —
Das isch klar — e beese Riffel!
Und au der Pfiffer — s'isch z'begriffe —
Duet us em letschte Loch jetz pfliffe!

Der Petersplatz, dä wird versaut
Es wird e Pissoir ane baut!
Der Hebel sait: Isch das e Pagg!
Mir stingt's — s'isch s'bescht, y hau in Sagg! —
Au s'Spaletor — es isch e Gruus —
Gseht ganz mit Holz vernaglet us!
So Zwänggrind, wo das durestiere,
Sott me sofort pensioniere!

Im Milchma, däm isch jetz sy Pfliffe
Verbotte! — Das isch guet z'begriffe —
Der ganzi Dag — s'isch unerhert —
Do wird me dur dä Lärme gschteert —
Am schlofe schimpft e mängi Frau —
Wohär s'Verbot kunt, weis me gnau —
s'Baudepartemänt, well um's verregge
sich usem Schlof, jetz nim loh wegge!

Im Eglisee — die Basler Spiesser —
Syge doch no rähti Gniesser! —
Voll Zorn stoht mäüge Mugger dol!
Mäng Jumpsere schimpft im Alter noh!
Es syg e Fleischmärt! — ohne Spass —
Mir aber sage: flott isch das,
Lueg do s'Schuggi, s'Hedi, s'Trudi —
Alli hänn sie nätti



Kemmet alli am Suntig z'Oben no der Fasnacht
am sibeni in Musigsaal zuem Schlussobe vo de
Comité Schnitzelbängg.